

程

陸文裕公續集序

江西提學按察副使致仕進封中憲大夫嫺生唐錦撰

近代文章家非周秦不談非西京不談
然騁宏博者唯叢靡是務而精脩醇駁
無所決擇往往蛟螭混處而雅鄭之互
鳴也慕古與者則刻削鍛鍊務極艱澁
棘喉滯吻若梵唄然殆不可句而大雅
之風泯矣周秦西京固若是乎哉文裕



公儼山先生崛起東海之濱天才學力
超邁卓絕駿發精英其光燄燁燁迫人
宏博而不繁古奧而不晦周之典雅秦
之雄暢西京之豐蔚精密蓋無乎不備
也縱橫運化名一家言所謂黼藻化工
芬馥宇宙浩然獨立乎萬物之表者非
先生其疇當之平生撰著自

講筵史局郊廟臺省以及山川林館之品

題祠墓金石之鐫刻與經史之折衷古
今典章之辨議家傳人誦殆徧寰區片
楮隻簡為世至寶可謂極文章之盛矣
矧先生經綸匡贊之業雖宣發未究而
河嶽默運之功良不可誣則夫先生之
所以傳世垂範者豈唯文哉先生既歛
神觀化其子太學生揖字思豫發所藏
藁類而成編凡為集百卷外集四十卷

咸登諸文梓壽其傳矣茲復訪蒐散佚
隨遇劄錄編為續集十卷刻附集後以
傳嗚呼自古文章大家傳世之作未有
若是其富也有之未必若是其精且醇
也思豫皇皇乎赤水玄珠之求為不孤
矣是固稱揚明著之所寓也况其英敏
博洽克光家學所以竟先生未究之業
者其在斯歟若先生之爵里名氏夫人

皆知之茲不敢贅

嘉靖辛亥歲仲春朔旦

陸文裕公續集目錄

卷一

賦二首

水聲賦

四老圖賦

五言古詩五十七首

擬古三首

秋懷三首

贈別徐昌國二首

南望水滌舟不得去同行者謀就陸戲成自

南慰
和趙類菴燈花首

邯鄲縣南見捋柳芽充饑者

儼山精舍晚意

風雨夜擁爐防警緝兒從傍屢作啼思

雜詩三首

元旦日蝕

雨夜無寐泛然成篇

聽雨

吳人以巨艦載湖石至雨中閱之

寓樓寄儲芋西

題茁蘭

洗竹

九月朔晨興

謁漢高廟

贈別汪天啓同年

過黃憲墓

和陸太宰水村也適軒詠懷

送徐昌穀湖南纂修

詠蠶食葉圖爲康脩撰德涵作

張太史常甫得告

雜詩

釣臺

玉華雜詠三首

宿佑聖觀候明發

武城觀漲

安山道中晚棹

題陳光祿惟順迎暎書舍二首

近田詩

晨興見白髮

裕州宵行車中聞雨

月下發河間

新城趨涿州喜見西山

送王存約赴惠州二首

寓谷亭二首

送朱子文令奉化

我有平生人

霜後拾槐梢製為剔牙杖有作

江行望洪都

間居三首

卷二

卷二

七言古詩十九首

謝聶文蔚惠臨川集

蒼鷹圖

次荅沈叔明石屏歌

次荅姚子明石屏歌

七峯歌

竹齋歌

怡菊歌贈童相士

送朱玉洲遊南雍

大風

山雞歌示徐元度

岐陽石屏歌

題鄭俠流民圖

月潭歌

呂梁行

題文徵明畫

七十歌

十一日安陵始得風過桑園

贈別殷子

和王元章梅花酬姚時望

卷三

五言律詩 五十八首

春早

東池

花朝

曉發北津將過慶寧會鄭方齋通守

從丹鳳樓前渡江

江上登望

端陽

五月七日雨中宿觀瀾亭

舟中

五月晦江上送宋義卿民部

初秋對月

南翔寄姚文光

別朱升之

秋齋夜聽雨

夜宿清江浦懷夏公謹

薄暮放舟

十一月朔與錢國輔江門觀漲

與張山人夜渡

雨夜

微雪不成

臘庚申雨中步出西郊視葬先兄素菴

和荅黃勉之

題西青小隱

乙酉歲除二首

和劉仲素雞鳴山

十四日濟淮

湖泊阻風

過故城

長至入侍

內殿遇雪

自朝天宮還經海子雪甚有懷顧未齋

再集五賢堂次至日登山韻奉荅嵩野

題來青軒

次韻何仲默別鄭山人兼柬李獻吉

人日過徐子容

三日雪中入內署

與盛希道太史談玄二首

謝類菴惠山菜數色

自忻州還度石嶺關

宿南關蘇大史詩文二首

萬善驛小憩內省

望日觀冰

井陘道中遇雪嶺山人兼寄李植吉

入平定州

曉發包家集天竺日登山贈奉茶尚理

東鄉長至

露坐

自山南過宣妙寺復會周約菴小燕

送顧願齋進表

習池

登祭江亭

車廐驛乘潮順風北下

上虞道中

玉山西下換小舟乘月

次韻送李都閩

常州道中遇雨

卷四 荆門驛逢張常甫庶子

五言排律一首

正夾馬營大風

卷四

七言律詩

五十二首

春分日大風

大風

早朝

出北城與嚴唯中倪本端同行

題函谷草堂為許廷綸

對月

送黃子和主事赴揚州鈔關

秦淮漁笛

題陶雲湖墨花水仙

子殤後一首

苦寒歸心愈切次胡可泉韻

晚泊

閏月廿七日雨電圓如龍眼書異

題孫思和東遊山水圖

次韻白鴈二首

自沁北行谿山間見梨花

夜集夏桂州宅送崔後渠

和荅胡汝載

和張甬川卧月書懷

謁曹九峯先生墓

自天姥望天台

慈化早起喜晴遂發

雪後入禁中供事

郊壇演樂

禁中齋夜

臘日嚴寒新製狐裘服之

丁丑除夕

別李時元下第

和易欽之遊廣恩寺

視牲

右廂齋居

送陸良弼調楚雄

分題燈下細書壽憲副盧師召乃翁

清明日半軒前丁香盛開偶題

歸途再同林介立經行蓮塘

送林以吉提學

食菱

食酥疊前韻

謝顧未齋惠蓮實疊前韻

疊韻答柴德美黃門

和俞國昌食鱸疊秋字

初試羊毳有作

戊戌元旦早朝

早朝

和宮端後渠玉亭賞蓮之作

疊韻答介谿賞蓮

恭謁顯陵二首

中秋月下懷高進之

送方矯亭赴南祠部

次韻贈錢廷輔廷佐兄弟

卷五

七言律詩 五十三首

遊儲芋西園池乘月夜汎

縣衙隨班

歲暮風雨中發藏書示楫

三日雨後登儼然亭

寄黃希武提學

夏日樓居

火花次楊東濱韻

南溪

九日山居次李空同集韻

春日齋居對雪

病中簷外石榴花盛開

雨中宴莊氏東園畱題山亭

二日過唐橋莊

秋懷

甲申元旦待漏入縣齋隨班

春晴登樓

鳳岡書屋爲寧波朱允升賦

六日始晴

盆石

送何鴈峯郡伯入覲

登南廣福鐘樓

晦日出城送葬曹啓東憲副

秋日無聊偶然作

贈別尤宗陽還吳門

懷都下友人

喬白巖太宰家山畱題在邇亭

廿四日曉發平樂白巖追送山行數十里中

途微雨有贈

書院池亭忽有玄鶴下集因養于庭

東阿道中對雪

和陳中川秋燕東關寺

發平潭

送胡汝載丞武昌

蕭海釣文明先生挽詩

連日遲李獻吉不至有作

西堂分韻

安鴻漸贈詩兼惠紅酒狐裘途中和荅

寄曹孚若

送何文徵赴開州

番陽察院課種竹

宿常山集真觀

途中見縣僚迎春

遊武夷

秋曉汎九曲

遊歸宗巖

次韻荅萬石梁大參

長至班罷

出北郊候客因入金繩寺獨坐

病後閉關 次韻耐衛漁川

遊烏尤寺 閬門登城晚眺

京師寄姚玉厓 寄汪思雲并壽

卷六

七言律詩 三十一首

送皇甫子循謫黃州推官

華侍讀鴻山以紅氍紵靴相贈奉謝

劉都閫以紅花本見貽

秋初望西山有霧氣如雪偶成

送劉甥兆元會試

自睢陽入梁有懷何鴈峯憲副

送王禮侍思獻 冊封

次韻徐登州畱別

送劉德徵赴夔州

利路紀雨八首

送徐伯臣出令奉化

送王世美赴承天寫碑

十一月二十日次太平驛見梅花和謝僉憲

邦正壁間韻

次韻荅嚴介谿

次韻荅霍渭厓

送鄒東郭學士赴南院

南還途中有作

潞河候水次張石川韻

和荅陶南川兵侍

青羊宮餞顧願齋即事

壽顧東川表弟

廖學士鳴吾孫園之招席上和曾都諫韻

和姚尚美龍山會詩

老母病愈

五言絕句 四十七首

十二日試燈

漫興二首

初夏八首

敬亭

思亭

醉窩

觀水碓

西巖詩七首

辛丑歸途中絕句五首

過宋玉墓

和李蒲汀 顯陵道中柳陰小憩四首

和安鴻漸登樓曲

正 方春野挽詞三首

書扇寄李百朋

咏石七首

題江海看雲卷三首

七卷

七言絕句 六十七首

春日送客即事

漫興

登樓

雨窓春興

題畫

晚放舟東渡

題陸封君怡梅卷

吳江長橋奉和楊邃菴閣老

買得一小舟往來江上題曰水晶宮

架石

客至小酌花下

春日雜興

題屈處誠雪竹

爲方思道題畫眉折枝

張仙斜

重陽後六日登鏡光閣五首

送楊百川赴南太常典簿

寄襲錦子

任城題楊閭直夫泉香書屋二首

崇法寺

馬嵬

飲酒

都司紅蕉爲逸騎所傷

桂洲夜宴出青州山查薦茗

張西峯少參以詩促曆次答二首

病起獨坐東堂

來青軒和張玉溪韻

送人往姑蘇

嵇忠穆墓

曉過鹹寨

題西域圖

題竹送王秉哲

題雙嶼

題畫鷹

雪後次西峯韻二首

題倪雲林畫壽齋詩轉壽唐龍江

題黃斗塘詩畫

送顧生文美遊瑞安

題馮會東雪竹卷

寄南莊

贈董子元

題畫萱

題畫寄陶良伯

題悅茶卷

寄襲錦子

題馬麟畫蘭

梅雪三首

挽人失偶

題竹隱卷

過無錫

人持元史至用二十陌得之

壽陽察院次壁間韻二首

試院初寒偶閱陶詩

寄姚文光

鄉人送菊列之堂中

願豐堂漫興

過溪莊畱題

謝何登之惠玉蘭

卷八

序
八首

贈楊司封仲玉序

縣侯張八峯考滿序

鯉庭雙壽序

壽沈西津方伯六十序

海國畱春卷後序

鄉同年會序

歸田錄序

唐母張孺人六十壽序

卷九 九首

送臨江俞節推之任序

通判原公利民偉績序

賀大理丞李仲陽序

送黎侍御巡按南都序

賀君內子輓詩序

張母翁孺人八十壽序

新江十詠詩序

贈翁憲副存道自松赴浙序

壽汪室俞孺人七十序

卷十

記 四首

小沼記

塊菴記

遺橋軒記

鶴沙家慶圖記

跋 三首

跋世壽堂卷

跋定武蘭亭卷

跋鄭文峯所藏劉松年赤壁圖

書二十四首

與董中岡二首

與郁直齋七首

與戴子孝一首

與唐竹溪一首

與顧東川表弟二首

與董子元二首

奉宗溥從兄七首

與徐伯臣二首

陸文裕公續集目錄

陸文裕公續集卷一

賦二首

水聲賦 并序

陸子北征困於道路日不數里而牐隸局啓

數更奮發獻瘁蓄洩稍愆則舟膠于沙夜宿

水努牐而過者淙淙汨汨臥不成

寐有秉燭倚舷聽而賦之

轟轟乎蟄雷搏地軸與駒駒乎將颶風撼而砥柱折

與喧喧乎龍嘯雲與哮哮乎長鯨之吼日與逢逢乎

周庭鼉鼓何桴之不絕也员员乎蕭寺鳧鐘而莛又



無節也開闕乎共工之首觝觸天柱與隱隱乎穆王之駿復道馳掣與鏖鏖乎長平機發金革偕糜與烘烘乎咸陽火縱而玉石裂與南薰和兮調揚泰山頽兮響長洞庭奏兮未闕華州哭兮不傷將使褒姬輕裂帛巫山醒襄王胡騎解重圍而鍾生改聽乎宮商也陸子寤驚惕若心兵靜言審之胡為乎鳴舟人告予是曰水聲

四老圖賦 并序

清河公暨其夫人受封之又明年也公壽八十夫人未及者二年蓋今昔之所難也其子

職方郎中允敬方佐 天子削平群盜不能一日去謀所以為壽者乃以四老圖使其友陸深賦之將寓歸樂公之志焉其辭曰

偉四老之軼群兮乃山澤之列仙何冠裳之陸離兮儼商周之所傳宅乾坤以為家兮采桃實以為食馭陰陽之逸駕兮縱吾轡之所極邁商顏以求侶兮過絳邑而問年澹逍遙於野中兮各陳詞而競前覩眉宇之軒揚兮知顏色之獨好忘榮名而不顧兮亮有得於要道欽丹青之輝映兮羨高風於異時邈芳躅之孰繼兮顧於今而見之乃有遺安先生南州淑氣

子肯父堂母以子貴媿雙美於共世兮若鸞鳳之在
 霄固松栢之貞茂兮閱歲寒而後凋俯澄江之如練
 兮接蓬瀛於咫尺宴瑤池之白雲兮映冰雪於姑射
 所貴君子之年兮作邦家之寵光詠南山之篇兮聊
 寄情於霞觴睇桐里之鬱鬱兮垂繁蔭於鯉庭相
 天誅之九伐兮固昔授之一經方將履太和而超無
 爲兮偕群仙以容與橫大江之雲濤兮爰徵詞而臨
 楚

五言古詩

五十七首

擬古三首

擬行行重行行

悠悠日將遠思君心甚邇所嗟異居處同生不同里
 別離既以苦會合諒以難逝川期東海行雲戀故山
 自知去日貌難比舊時顏出門即遠道雨雪紛浩浩
 潦泥緇素衣安得白日照矯首念征人憂傷易終老
 擬西北有高樓

層樓一何巍亭亭切雲霄綺疏縹緲間欄楯匝周遭
 不知誰居中哀怨逐風飄爲言本邯鄲關河望迢迢
 區區懷苦心三載非一朝援琴以寫之意重絲難調
 初爲陽春曲再行鼓山高妙音本絕世賞識何寥寥

思爲雙黃鵠比翼與俱翔

擬孟冬寒氣至

歲盈易寒風曠野何蕭條深居戒遠趾四壁亦飄搖
陽和日已往陰沍日已驕門外遠書至啓函知故交
慰我以好音期我以明昭感茲殷勤意千載詎能銷
素心抱愚衷欲吐還自韜

秋懷三首

越人挾燕石買之曰千金和氏抱荆玉至死悲不任
燕石媚光彩舉世傾所欽彼璞一麤礪在中誠難諶
不惜大寶湮傷哉和氏心

二

鴻鵠非讐人挽弓欲射之蜻蛉亦何意兒童解黏絲
人生寄一世毀譽安所期高樹多天風高臺多赫曦
貞白苟不虧豈能隨崇卑

三

試歌清廟篇餘音遏流雲千人揜耳過萬人不爲聞
轉歌後庭曲和者日紛紜已矣何足論吞聲淚泫泫

贈別徐昌國二首

北風起天末送子城東闔願言遲數里欸欸得具陳
我有一端綺持以贈夫君不願爲黼黻不願爲袴視

願爲平居服昏旦常相親垢敝忍棄捐愛惜情如新

二

北風吹我襟聖子不得見跂立恨足短淚落迸如霰
草樹搖寒涼二曜急流電游子在路岐襦薄馬悲顛
未明戒先驅薄暮苦後殿空谷多松栢念此步不進
南望水溢舟不得去同行者謀就陸戲成自慰

春江多柳花風起花還飛夕陽歛飄蕩委地相因依
行止諒有數蚤暮同所歸百年總行旅安用長歔歔
羲和無東回安樂誠幾希眇焉泣岐子人遠事已非
飄飄山水間志願良不違朝多清風來暮多繁星輝

古稱太史公千載欽嘉徽

和趙類菴燈花

誦君燈花篇值我燈花燦旖旎欲浮香敷披似春半
圓朶競霞呈岐枝誤星散娛翫夜三更遲回腸九轉
獻祥諒無私涼德歌有醜南郊禮將成預兆明庭宴
無藉春風吹偶見春風面影搖畫屏斜葢墮銀檠亂
君才本天妙况復論交淡游戲賦燈花膏馥人猶厭
麗藻凌六朝高風駕前彥倘許聖後塵鉛槧從茲辦
寒燈復作花政爾從人願

邯鄲縣南見將柳芽充饑者

五言
陸文裕公續集卷一
五
青青楊柳樹弩眼學窺春春風漸暄妍品彙一以新
如何遭採折捋之葉屯屯初疑摘早茗尤恐識未真
問此胡爲爾荅云療饑貧芽茁本可如何暇辯芳辛
旣免私家競復有官道遵連朝斷烟火持此抵八珍
地爐酌野水拾樵煮清淳幸將糠粃雜撐腹藉輪困
去秋淫潦厄今春點差頻焉知歲年計聊度旦暮身
嗚咽語難了淚落如可紉見此三歎息臨岐倍傷神
黎民有菜色何況等木皴道路正供億一日須萬緡
民腹已如此民力那堪論王政先粥獨漢治資良循
天恩倘可乞咫尺當重陳

儼山精舍晚意

風蟬咽翹林江鷗泳別渚雲霞變初秋焦枯慰時雨
豈乏凌冲志蓬瀛渺何許兀坐當軒楹涼飈滿衣苧
中炯常晏如外紛亦屢拒會心適寡諧顧影聞獨語
風雨夜擁爐防警楫兒從傍屢作啼思

野居寧免懼所恨乏兼貲雞犬偶不寧兒女成悲啼
青氈有舊物綠林多健兒昨聞東西陌頗受狐鼠欺
明燈守長夜風雨正凄其豈云網可漏無乃歲阻饑
春陽正駘蕩民物方皞熙願言寄當路莫憚催科遲

雜詩三首

五言
陵谷公續集卷
六
四叙若鱗次君子感變遷昨日夏熱酷今夕秋月鮮
涼飈振天末草樹失故妍玄鳥逝將返蒼鷹厲高騫
苟無幽風人何以卒歲年

二

古井春無泉槁木夏無枝仲尼歎糞土詩人詠德基
中夕起坐歎歎息將奚爲去者日已遠來者安可期
不見令名士監古乃得師

三

敝幃殉老馬恩義貴有終三良從下世黃鳥哀國風
蟻穴墮太山蛆流毒桓公棄置萬夫望憂來不能窮

浩歌當永夕沉思夜將中

元旦日蝕

白日衆陽宗王正四序首况此月初吉食之亦恐醜
故老相驚嗟百年未曾有頗聞文皇時茲事亦匪
偶當其君臣會災祲豈能久宋公才一言熒惑乃却
守于今太陽厄從申直至酉群僚萃南宮簪組紛前
後臺史報初虧稽首再三扣元臣跪伐鼓申救情獨
厚高高若岡聞啖食未滿口乍疑璧微缺忽若鏡中
剖湏臾如月初恍欲露星斗慘淡不可辨氛霾互纏
糾天人會相通垂戒固不苟吾聞月掩日其事果然

否無乃陽道衰遂爲陰所走月本傳日行代明得稱
耦倘使日景虧月光安所受其事或渺茫吾欲徵神
暇載觀春秋書一一各有取下土蟣蟲臣慚無捧日
手

雨夜無寐泛然成篇

海隅苦旱暑溽潤恐違生思凌千仞岡一眺白玉京
玉京多仙侶招邀有深情餐啖皆淳和被服何輕盈
俯視塵中世朝夕競浮榮

聽雨

撼撼入葦際蕭蕭自簷楹幽居忽復旦迥野薄江城

偃息從茲始塵鞅詎能嬰園田被膏潤琴書有餘清
浮生本未定譽毀等陰晴聊有盈觴酒獨酌慰幽情
吳人以巨艦載湖石至雨中閱之

濛濛江天雨遙遙湖水船誰施巨靈斧擘此青數拳
縹緲呈夏雲嬋娟隔春烟雖乏衛公識偏懷米生顛
蹇予頗好奇有癖在林泉肩輿度壑暝孤榜逐溪緣
品視剔苔蘚摩挲計雕鐫遄歸亦乘輿臥遊裁短篇

寓樓寄儲芋西

天低歲云晏故鄉復僑居與子共巷陌相望一水餘
瓦屋正鱗次石橋亦虹舒心親物無礙會數意猶踈

乾坤本逆旅日月自居諸來此飲名酒相携校詩書
華髮不可變功名等爲虛及時須行樂政恐不待予
申章示同志聊以酌遂初

題茁蘭

滋蘭茂九畹靈雨茁其芽和氏抱荆璞以身明不瑕
芳澤貴自保物色寧有涯但使臭味同歲晚何足嗟
猗猗關西彥風流如謝家光輝媚幽巖旖旎揚芬華
溫恭君子持令德戒紛姱豈乏桃李姿貞白世所嘉

洗竹

蘭以當門鋤竹緣太密洗託身苟失所彼美徒漫爾

郊居時雨餘茅蕪手自啓好風來林端煩曦蔭樹底
生事雖甚微麤足辦鹽米會心即交游異姓等兄弟
吾行迫始衰聊復勤四體伐檀譏素餐相鼠歌有禮

九月朔晨興

落葉紛可掃客行殊未歸大化無停運倦翼多卑飛
凌寒懷執熱撫序悲授衣物候變南北世故有依違
晦朔成代謝所嗟知者稀

謁漢高廟

玄冬曜白日曠野吹大風旅行齊楚交密與豐沛通
磊砢半畝丘乃有高皇宮堂堂赤帝子儀像居當中

天運苟不極未肯生英雄一時風雲會百輩皆王公
野人守敦樸香火祈年豐那知千載上行天乘六龍
丈夫事真主聖人優百工感歎復感歎豈必非遭逢

贈別汪天啓同年

借問何所悲相知新別離掩袂各揮涕步步不得辭
恐墮兒女情揮酒盡一卮念我同門友高舉振羽儀
東西各有適與子願獨偕叶意多覺別促情親身不
違仰眎白日速嗟此道上泥久要四海志歲年空路
岐慷慨發我歌我歌當向誰諒子重察識會面知有
期

過黃憲墓

當年自無營千古如識面安用金石堅始知儀秦賤
曉行襄江濱殘月墮西堰溟濛草露晞屬鼻標題見
相從牛醫來古意倘未變

和陸太宰水村也適軒詠懷

地即大隱勝材集補天餘達人秉高尚詎云朝市拘
覆庇本四海俯仰托茲廬雲石自流峙吹噓及根株
命觴沿徑曲鑿泉當坐隅遂使耳目曠頗勝絲竹俱
心融境斯一理適情自娛載理聞鶴譜時臨換鵝書
藏胷富丘壑佐世登唐虞疏品荷陶鑄尊鱸思躊躇

室邇人甚遠歌嘯日正舒賤子獲聽履自負龍門如
送徐昌穀湖南纂修

取友在異世貴此肝膽通與子同鄉國筆硯亦屢同
一別歲月速那得不匆匆宵戒一觴酒起視夜方中
追子恐弗及繆綢叙難終夾居長安道參商各西東
況茲萬里隔目斷雙飛鴻江湄長芳草鬱紆傷我衷

詠蠶食葉圖爲康修撰德涵作

啖葉勢未已謀生意何愚但知厭其腹寧知用其軀
恩深報必厚功高禍與俱物理固若此感歎將焉如

張太史常甫得告

聞子有遠役我心已南悲苑彼桑與梓藐在天一涯
恨無雙羽翰高飛鎮相隨持此一寸心隱抑詎當知
宵起步廣庭天高列星遲人生有會合世故多別離
別離勿復道但問別者誰

雜詩

覽鏡難自持容顏豈常好秋高風露勁黃落紛弱草
豈無長生藥馳心違至道淨宇澄垢懷冥觀契玄造
遲迴三十年念此苦不早瑤池與玄圃微風蕩芝草

釣臺

雙臺切高雲碧溪下長風本懷戀比鄰長嘯辭王公

把釣已忘魚入夢猶非熊人境有舊廬客星動高穹
江山自朝夕禽魚或西東朝市各取適出處俱自躬
豈曰萬戶侯非此一畝宮咄嗟保厥始優游慎所終
玉華雜詠三首

蓬壺

群仙歷萬劫三山乘六鼇琪樹連瑤草珠宮具闕高
歸來玉華子新製六銖袍

碧香閣

雨洗碧色鮮風來清香遠田田旣堪悅亭亭若可飯
幽期當南軒微波坐成晚

問月臺

月出青山外浮雲爲掃開缺圓緣底事弦朧孰相催
有言俱不省流影照高臺

宿佑聖觀候明發

是日小至

宦業祗簿領游目曠林泉偶此山陰雪來衝竇中烟
新陽一以長天道會好還招邀復材彥探討事幽玄
初遵潛虬壑還過種玉田曲檻俯躍鱗盤空墮飛鳶
時聞林端磬幾遇雲外仙相將願有遂所適期無前
坐此武城觀漲因憶陳后山五月一雨涼中宵大江
南之句情景悠然援毫有述

長河五月雨一夜十尺強大星映南斗微風生蚤涼
坐此景物暢懷彼路阻長人生百年內弦壘倏相將
苟非金石固動靜各有常大化無停息仰視河漢光

安山道中晚棹

洋洋水波逝永欽川上懷遂將去齊魯明當度江淮
遠役謝塵鞅高居理茅齋沙田二三頃婉孌東海涯
芳春景物麗夕陽襟抱佳耕讀有遺軌長使願無乖
題陳光祿惟順迎暎書舍二首

鷺嶺

白鷺斜行下青山百里長登高一以眺風物近瀟湘

謝安如可起飛去逐鸞凰

寺烟

有寺隔東鄰人烟日中滿感此盈虛間沉吟坐來晚
曠古達者心尋山不辭遠

近田詩并序

太宰松臯翁作近田詩以示其冢子俱俱奉
以爲別號深讀其詩序窺見翁之實學近裏
若此因和一章近世有講學者長虛騫遠賴
翁此作可以一變深亦爲之惕然蓋不獨可
以傳之一家也與其寶之

國風驕甫田鄒孟戒捨已載歌許近田取譬同一理
許本太岳後繼世疊金紫煌煌示新篇下帶有深旨
西周帝王基累世由農起千載公劉詩配天后稷祀
致廣本慎微舉遠必自邇請觀阡陌間東西僅尺咫
耕耘貴及時稼穡便佐使屨杖傍門廬饁餉出童婢
收成俄頃間焉用枉邏迤心田尤近之力耕從此始
請君聽我歌我本田家子

晨興見白髮

四十期有聞覽鏡髮改素古人悲染絲一變不復故
神玉自中恬形勞豈外慕伊余本懦儒履滿每知懼
悟言養生篇引領遂初賦大化運自然頽景不可駐
達人固忘我君子保末路華落見本根相將歲寒暮
裕州宵行車中聞雨

計程兩旬日乘傳二千里山川氣候分值此廉纖雨
輦路歛輕塵遙山渺烟樹浙瀝響蓬軒夢想春江滸
行役雖苦疲陰陽有燮理物情荷 恩茲天運賴
明主甘霖在咫尺滂沱慰中土

月下發河間

西北列玄陰晨氣何凜冽鼻息凝層冰纖指不得結
出郊遂無際戒頰膚欲裂崎嶇雖強禁頗勝風沙沒

新城趨涿州喜見西山

杳杳青雲間，翠嶽黃金臺。行人多苦寒，常恐北風來。

風起則黑氣如山，漸近始分明。熟視驚還猜，相逢陌

當空北人以為候。上人顧問首，屢回所期既。以遂鬱紆開我懷。

送王存約赴惠州二首

涓埃難為功，犬馬終戀主。新辭掖垣直，郡符遂中剖。

平生弧矢懷，慷慨赴南土。身遠跡甚邇，愛深心愈苦。

於惟孝皇仁，貽謀邁前古。網羅天下才，拔十望得

五鼎湖。一睇瞻臨風，淚如雨。

二

朱方赤日永，揚舲江路長。亮無沉湘賦，寧少伐木章。

川原孕靈淑，藻麗發景光。冲抱秉素尚，令德藹餘芳。

徽音幸毋阻，一寄鱗鴻將。莫以化別恨，置此冰炭腸。

地理任險易，天運變炎涼。

寓谷亭二首

幽蘭出佳谷，託根岐路傍。路傍多風雨，侵凌良獨當。

榛荆雜菅茅，紛紛遙相望。白日萬里遠，腐草流螢光。

感此忽永懷，冰炭入我腸。千古曠達人，去住貴能忘。

松菊有良侶，諒茲非故鄉。安得垂天翼，附之東南翔。

二

駕言登高丘，憑南望天涯。彷彿北堂樹，穠郁時敷披。
心恍神與俱，長跪畢我私。初言定省違，次言苦路岐。
三言近起居，四言長相思。五言毋慈重，未能報男兒。
滔滔殊不已，涕泗交相垂。浮雲自南來，雙目忽如遺。
茫茫千里外，想仰徒噫嘻。日夕山下歸，露草青離離。

送朱子文令奉化

少小同鄉校，文翰事幽討。比身雙南金，抗志萬物表。
鄙余慚先登，遲子在遠道。邇來叩帝闈，披腹呈至寶。
經綸以爲期，勗哉善自保。

我有平生人

我有平生人，區區管鮑看。金石諒匪堅，何況蕙與蘭。
聯袂慷慨歌，歌聲激雲端。青雲爲之開，白日照肺肝。
恩情中道阻，盟誓日已寒。四海非不寬，吾心自不安。
清宵入我夢，援琴爲君彈。

霜後拾槐梢製爲剔牙杖有作

金篦與象籤，淨齒或傷廉。青青槐樹枝，一一霜下尖。
偶聞長者談，物眇用可兼。搜剔向老豁，其功頗勝鹽。
兩堅苦難入，薄肉忌太銛。眷此木氣餘，柔中未逾纖。
復有苦口利用之，代鍼砭余官。自槐市日夕，映齋簷。
西風動中宵，乾雨鳴疎簾。呼童事收拾，把束若虬髯。

陸文裕公續集卷一
試以首着餘風致殊清嚴作詩示君子取才慎棄捐

江行望洪都

吳楚並南紀風物共清嘉澄湖富魚鳥聯山起龍蛇
人力務稼穡土膏雜桑麻秋氣日漸勁四野垂幽花
旌旗發前溼樓船奏清笳極目有嘉致兀坐澹不譁
雲開帝子閣水深高士家南浦餘碧波西山結綺霞
撫此大藩地豈曰盛繁華緬慙寄民瘼何以荅晨衙

閒居三首

璧月墮止水可翫不可親幽人俯闌曲羽扇一角巾
悟我真色相澹然忘此身

二

軒中何所有四壁微風發其大不盈畝納此一輪月
嬋娟萬里情徘徊照短髮

三

畫簷淨流雲鮮月代秉燭上有梧樹枝下有寒泉綠
夜深地復靜俯仰皆自足

陸文裕公續集卷一

手許校磨工未即當今楔棗稱吳中唐模宋板俱奇
特是非本定空愛憎報復何窮恣翻覆文章功業兩
難朽治亂興亡三太息蘇州太守古鄴侯貽我遠勝
黃金億樓船風雨滿章江把玩新編坐相憶

蒼鷹圖

蒼鷹瞥地風蕭蕭狐耶兔耶狂欲跳老拳未放輕一
攫側目政爾愁雙翹天空秋老關塞晚落日孤林萬
山遠覽圖令人氣滿膺荆榛匝地移蘭畹林生五嶺
太平人何事落筆心先噴忠貞立朝奸佞懼貔虎負
壑山林春錦衣周君人中傑意氣要與圖爭烈封侯
萬里看下鞬一灑平蕪遍毛血

次荅沈叔明石屏歌

效古初開綠野堂偶置屏石增清光此屏來自萬里
道產向滇南山水鄉點蒼秀色多烟景雲霧重重玉
龍隱星斗高侵太白峯海天常拂扶桑影疑有陰陽
變晦明臥遊坐對俱崢嶸若非黑白分明見必是丹
青點綴成猗予少日多遊興今已白頭尋蔗境愛月
時登庾亮樓歸田重理陶潛逕摩挲此石得大觀羲
娥來往雙轉丸獨倚巖巒酒醒後便覺空同眼界寬
微茫雲外見新月晃漾峯頭餘積雪長夜高堂如有

神衣冠滿座皆含刻多君珠玉羅胷中落筆宛有唐
初風爲我石屏歌一闕安得持獻 天子明光宮

次荅姚子明石屏歌

乾坤奇秀皆儲精老我山水偏多情是中猶有愛石
癖一見奇石雙眼明十年去國行八省參謁咨請兼
逢迎晚蒙 聖恩召自蜀置之金馬白玉京晨趨黃
扉暮紫闥左圖右史心無營賜金月俸有餘鏹買得
一屏當座橫人言此屏本無價我亦得意還若驚烟
雲縹緲天台路巖壑隱映芙蓉城瑤池東來降王母
仙掌擘出煩巨靈有時坐對一長嘯便覺毛骨隨風

輕滇南蒙段昔開國此石克貢萬里程攜歸東海添
秀氣聊與平泉作後塵得君長歌更增重五色光燄
輝文衡

七峯歌

七峯主人家七峯七峯東來如七龍地當北斗星辰
見派接南山雨露濃綠江亭館連雲起方丈瀛洲天
尺咫帆檣渺渺萬里船烟波日日東流水主人元是
孫子荆漱石枕流非本情胷吞雲夢已八九眼視四
海皆弟兄況有文章稱大手遠追建安成七友雲樹
鶯花一萬重琳琅金薤三千首遙峯絕壑迴還孤虧

蔽陰陽自有無寂寞可憐楊子宅丹青空事輞川圖
觀國才華工好古別啓圖書群玉府黃鐘大鏞序殷
周太華長河儼賓主門外聯翩長者車峯頭縹緲列
仙居青天白日常應爾金塢珠樓總不如江南自昔
多佳麗誰復豪華誇甲第桑梓依依見此心弓裘永
永承先世天鍾形勝待公侯莫因風物重淹留願將
郭隗千金價更起元龍百尺樓

丹陽孫思和新作七峯之居與江山相映
發予曩在翰林時許以題識以冀身遊其
間爲偉麗特絕之觀蓋久而未果嘉靖癸

未思和東過海上要予夙諾聊成短歌庸
荅雅尚七峯其能出長風盪穹林與江聲
海濤相應和乎是歲十月旣望

竹齋歌

有序

豐城王君鑑之以竹名齋游宦所至輒以竹
齋聞蓋紀勝也凡勝無常物勝則人附物人
勝則物因人仰七政而思舜覩河洛而見禹
物之勝也陶靖節之菊林和靖之梅人之勝
也物勝則重其人人勝則物因之重自古逮
今一也竹之勝自孔門所羨清修節槩之士

咸願附焉鑑之其有取於竹哉故予爲作竹齋歌

君不見仙尉齋前數竿竹勁於龍穎嫩於玉向晚冰
霜如有情多時盤筯寧無肉一從手種春雨餘搖動
青冥散炎燠未論畱汗等琬琰先須截管諧琴筑曾
聞子猷傲山陰何如衛武歌淇澳虛齋中含八面涼
恍疑瀟湘秋萬斛軒窓隱映月漸移枕簟飄蕭粉初
撲堪擬封侯自千畝正有幽人在空谷凍雷驚筍起
卧龍恠石蟠根解群鹿遶簷日日報平安一歲清風
三百六齋中本是瀟灑人歲寒之交元有神當年隨

計赴上國尚書宰相俱心親人言松柏並奇操共
愛金玉尋芳鄰燕京爭誇見彷彿黃金別築高嶙峋
劍江回首舊隱地花縣拜命新行春竭來小試釣鼈
手東海裊裊垂絲綸九苞彩鳳下覽德千里青雲高
致身仇香枳棘昔同調蔣詡徑路今通津甃將形影
照南浦若比甘棠尤逼真我歌竹齋君試聽 天子
用爾清風塵會須嶰谷逢伶倫

怡菊歌贈童相士

品菊如相馬不在驪黃間以此復相天下士伯夷陶
令何爲顏維時日月俱逢九千山蕭森松柏後且看

歸去三徑花況有生前一杯酒酒酣耳熱歌嗚嗚白
眼仰視雲天無虎頭燕頤祗俗輩爲肩火色誰丈夫
拂衣起就菊花舞白頭童童風縷縷金錢若解買秋
光更種明年一千樹

送朱玉洲遊南雍

玉洲勝絕天下無皎如秋月懸冰壺連城豈爲索高
價千頃直欲吞江湖幾年東海抱絕藝邇來長安稱
鉅儒黃金殿前看落筆滿紙一一驪龍珠庭前郎君
名進士門下諸生朝大夫自有齧頭須手致更從
北關向 南都千金駿骨非難事萬里鵬風有壯圖

太史近占乾象好文星明歲照三吳

大風

雄風括地西北來吹我狐裘薄如紙吳兒愛熱不耐
冷我亦何爲行至此丈夫有志事四方阮籍劉伶畏
生死有人逐日走未休有鳥啣石填海水此事無成
節可壯錦帳紅爐是誰子河山三晉古有靈前唐神
堯後唐李兩家際會未易同風虎雲龍共時起紅塵
莫漫障白日待汝終朝聊爾耳

山雞歌

示徐元度

徐生妙小頭角殊袖中能藏碧紺珠客邊候我長安

陌雙手送茶行酒盃汝爺今年未三十見汝半尋如
玉立時時前稱丈人行再拜乞我題詩急感汝殷勤
未能副展卷驚看復迴顧錦翼離離繡頸齊一隻山
雞墮毫素漢世初傳樂府詞殷宗曾感中興期竹筍
穿泥麥覆壠五色鳳凰空見奇鳳凰遠向西山逝南
國詩人歌泄泄男兒容易厭家雞古聖終然悲共雉
萬里烟霄早致身望中一片五花雲製裘未論千金
價形影尤堪補袞文題詩贈汝還憐汝聽我題詩作
吳語終當徐氏號麒麟莫使王郎擅鸚鵡

岐陽石屏歌

喻太守子乾所惠

岐陽之民像侯德遠致山中一片石依稀宛見城郭
面彷彿尚帶山川迹一從乘驄換五馬霧渚烟村坐
來隔摩挲三復如有情指麾從吏貽江濱長卿多病
枕書卧驚起門外高嶙峋倒履相迎問來使開械再
拜生陽春荷侯此惠百感集媿我家徒四壁立忽焉
屋底開暮晴搖蕩虛無翠寒濕新恩舊惠俱在眼萬
壑千巖互相入滇南大理空自珍江上數峯尤絕倫
天然飛走肖麟鳳瑟爾瑩潤罔瑤珉坐當保障屹不
動豈免覩物終懷人自是侯家有餘積畱待他年隔
朝席泥金孔雀映芙蓉郎君近作乘龍客胡爲致之

向儒素恐使湘靈動深惜君不見唐朝太宗重畿甸
遍題姓字畱宸眷天生異質當大用安得隨君獻入
光明殿

題鄭俠流民圖

為曹承之正事

近時畫手數吳偉恭和郭詡差可擬良工位置着意
深何但烟雲生筆底此幅淺淡頗有工描寫人物間
關裏骨肉牽聯老稚兼衣裳縷縷面目紫云是鄭俠
流民圖彷彿啼號聲滿耳風回草樹生晝陰翠壁華
堂容有此雲間才子曹濮陽曾藏丘壑心如水竭來
射策光明宮便欲飽煖同遐邇俸貲積月數不盈壁

畫太半收書史時騎瘦馬向長安買得殘縑大小李
會心論格不論錢袖來向我陳終始關同荆浩久已
無馬遠夏珪呼不起郭生自是清狂人東抹西塗聊
復爾太平有象雞狗肥世路無情鄉井徙君不見治
亂興亡各一時憑仗調和與燮理民瘼寧知千百端
君門空瞻一萬里摩挲此圖展轉不已荆文相公熙
豐天子

月潭歌

有序

月潭以盛宗舜氏聞人境俱勝每當秋月印
川時又若宗舜氏之在予目睫也宗舜明於

地理之學予葬先太史公宗舜寔有力焉茲
將謁選天官作月潭歌送之

青天一片月墮影萬丈潭上下本空同水月自相涵
月潭先生人中豪家住東海之東臯心曾瀟灑了不
染肯與世路衝風濤早年文史富筆硯中歲節介何
其高秘傳別有郭氏訣直欲萬里空秋毫月潭子真
地仙尋山問水廢白日彈冠結綬還當年方今天
子神且聖虎拜鵠立金鑾前願將玉兔長生藥并獻
水底驪龍涎乾坤朗照湖海靜予欲秋江弄月圓

呂梁行

君不見呂梁之水天下奇奔騰轟洩無停時飛冰走
雪耀日色龍吟鯨吼啼蛟螭恍如鼉足昨夜折銀河
倒傾忙驟馳又如天鼓落下界神丁六甲相追隨舟
人伏枕不敢睡稚子未解驚滿願黃河源自星宿海
千里萬里歸天池濟川以南數十水匯同滾會來於
斯蓄受既富發泄盛俯視此理良無疑不信請看田
道間夜來春雨今朝泥

題文徵明畫

筆下塵埃一點無開圖知是賀家湖秋風九月菰蒲
岸橫着溪舟看浴鳧阿明此藝稱獨步前身妙絕元

陸文裕公集卷三
九
姓顧安得置之水晶宮卧看雲烟落毫素

七十歌

歲月流落何草草古今七十世稀少我生二十五始
仕自計五十歸須早餘年二十付閒適等此三分少
壯老邇來倏忽四十五鬢髮斑斑志灰槁况懷憂患
在遠途慘淡冠裳雪皜皜人生苦非金石固恒恐形
神不自保悲歡晝夜正相半此後信可知懷抱欲從
今日巧相補利路名場迹如掃五年縱復能幾時一
寸光陰璧非寶虞翻骨相久已寒子雲曉事恨不蚤
故園花柳雖未成願得強健晚亦好交戰要難爲達

者乘險那得窺大造試將此意一問天長風南來萬
里道

十一日安陵始得風過桑園

人生快意寧有此帆腹飽風走溪水憶昨躋攀分寸
間今之北船無乃爾天公大運詎兩全怨者自怨喜
自喜半生紛逐向畏途首肯分明到物理華閣滕王
高宴中青衫司馬扁舟裏古來此事信有然坐看明
月江心起

贈別殷子

殷子有奇骨昂藏若駿馬康莊在遠道伏櫪甘土苴

長安一朝別我去再三挽留不能住潞河新有下灘
船到家正及朱炎暮君家本在齊魯墟楓林瑟瑟臨
前除小樓畫檻蔭林樾中有前世千卷書北窓慈母
髮垂領倚門望兒悲短景小弟今年十四五弄筆時
時學馳騁上奉母顏下課弟日有餘功擬叢桂病骨
偏宜秋氣涼藥囊間却參苓劑登高迴睇望泰山恍
見仙人時往還翩翩白鶴不可借流光日夜凋朱顏
朱顏一往那再復惟有功名畱汗竹志士偏增日暮
悲佳人易感窮途哭憶昔虛堂坐論文辭鋒往往追
先秦談詩屈指數漢魏歎息六代何無人殷子奇氣
餐善自愛天閑十二終當豢爾曹

和王元章梅花酬姚時望

歲寒冉冉餘冰霜畱此一樹先春芳山農能事數獨
步淨掃楮素搖兔芒龍池波騰鸚眼裂噴薄玄雲沁
蒼雪須臾樹梢送長弓掛此一片寒潭月賞心詩客
多風韻欲挽筆力回春信競搜奇事出枯腸亂插繁
花向春鬢青錢沽酒白玉缸自勸一觴梅一觴調羹
有時會結實物色夢落商家王山林托交盟未冷衆

醉何須悲獨醒中分一頃養鶴田半頃種花泉半頃

陸文裕公續集卷二

陸文裕公續集卷三
五言律詩五十八首

春早

春訊今年早東風隔歲來
弄黃初上柳試白已傳梅
高閣消殘雪重淵動蟄雷
好花臨水背應恠未曾開
東池

梅花白雪塢楊柳綠烟隄
野曠春偏晚江深日又西
爲尋彭澤宰如到武陵谿
茅屋人家裏時時聞鳥啼
花朝

故園新甲子今日是花朝
雨意含高閣風光到小桃

陰晴候農圃山水動漁樵
風有林泉癖淮南謾見招
曉發北津將過慶寧會鄭方齋通守

初破桃花浪遙過杜若洲
禹功今尚在江水正東流
浩蕩蓬瀛路追隨李郭舟
壯心何處極聊此付春遊

從丹鳳樓前渡江

春色臨江閣年光遍海城
東風吹又轉芳草望還生
天路青雲迴鷗波白羽輕
平生濟川意野渡更分明

江上登望

江流何渺渺孤帆澹秋暉
遙知三山近復送百川歸
蜃樓橫碧落龍湫臨翠微
徘徊那可極返照上人衣

端陽

畎畝驚時序端陽復早晴
遙知宣賜裏空有侍臣

名舟子漁龍渡騷人糝酒情
千年渾舊俗地接楚江城

五月七日雨中宿觀瀾亭

溽雨江天暗通宵水氣多
壯心驚歲月人語隔烟波
舟楫供高枕江湖付短簑
浮沉聊爾爾擊節自長歌

舟中

稍稍時雨歇悠悠午夢醒
極知行更樂誰遣鬢成星
草長蛟龍窟風回鸛鶴腥
滄浪聞孺子一棹過前汀

五月晦江上送宋義卿民部

重五期不至望六送行舟梅雨快初霽荷風如早秋
天涯俱宦轍江上倍離憂欲采幽芳贈因過杜若洲
初秋對月

今夜新秋月三江復故鄉龍歸行雨後蛩助擣衣長
梧葉三分變蓴絲十尺強人間自離別天上亦河梁

南翔寄姚文光

欲訪高人宅先爲倒屣迎何如溪上路空復雪中情
風雅還千載雲霄近五城東流與歸棹曲曲大江清
別朱升之

淡交多別語情極易忘言送客風生舵懷人月到門
夜長偏旅榻秋早是江村復向論心地何年共一樽

秋齋夜聽雨

林屋意自愜雨交群息初氣通琴幌潤聲斷畫簷踈
獨火明深竹方牀滿舊書夜闌清更徹豈敢少吾廬
夜宿清江浦懷夏公謹

懷人不能寐風雨滿船窓爲問揚州勝瓊花解作雙
河流赴東海淮甸自名邦並有澄清志聯舟涉大江
薄暮放舟

金鼓送歸舟星河欲共流微霜初入夜落葉已辭秋

人語江聲蒼漁燈岸影稠
逍遙吾取足何處是滄洲
十一月朔與錢國輔江門觀漲

水檻漂垂釣江門不掩風
望窮東海若身擬爛銀宮
浴日中流急浮天一葦通
魚龍吾得免消息任虛空

與張山人夜渡

入夜水雲闊烟霏共渺茫
遙空聞鴈陣遠火識魚榔
野渡虛舟楫寒更犯雪霜
吾衰倦行役復此戀江鄉

雨夜

入夜簷花細迴風雪片輕
歲寒如此候愁絕最關情
燈火虛齋永園林曠野平
重門湏及早波激大江橫

微雪不成

尚臘猶應雪前春未謝寒
入簾看片片隔竹聽珊珊
旭日含花動流雲帶雨乾
來牟如失望誰續腐儒餐

臘庚申雨中步出西郊視葬先兄素菴

和淚北風雨傷心西郭墳
江聲空逝水山色有浮雲
未起隆中卧先修地下文
池塘春又到南鴈不堪聞

和荅黃勉之

國器推豪俊鄉評熟姓名
風帆同偃蹇歌調獨淒清
故里層雲映長河片月生
非君敦素尚老去若爲情

題西青小隱

幽人肥遯處一片夕陽深入望連秋水橫空帶晚林
琴書元寂寂門巷自陰陰雲路蒼茫裏鴻飛不可尋

乙酉歲除二首

燈火高樓夜人間歲又除團圞兒女會蕭颯鬢毛初
椒葉頻傳令桃符只自書百年強過半非是更何如

二

揚燎明連漢流星紫入烟千門俱守歲一夕共增年
寒勒梅香細春回竹葉前江湖身倘健歌詠祝堯天

和劉仲素雞鳴山

步入招提境下方秋水浮雪深枯壁定雲遶遠江愁

鐘伴黃昏去泉依白石流共僧分一榻十日不梳頭

十四日濟淮

雲霞開曉色舟楫亂黃流千古濠梁意當年帝業

州地靈山繞闕天近水環樓壯志隨丹檢芳春感勝

游

湖泊阻風

風水一相激江湖因改形去來本無定恩怨空有情
客路遙山暝漁燈極浦明卧龍何處所歸鴈自知更

過故城

蕪薊日已遠薄行齊魯郊孔顏千古樂管鮑一生交

無復歌長缺何心學解嘲舵樓風水急落日掛林坳

長至入侍 內殿遇雪 丁卯歲

夙直通明殿雲空雪片飛履高防失足憐濕畏霑衣
宮蹕傳來遠朝簪望不稀陽和通 帝德瑞白滿

皇畿

自 朝天宮還經海子雪甚有懷顧未齋

密雲逗晨光澄湖抱上方混鵝聲轉細礙馬路偏長
道履三陽泰花添兩鬢蒼高樓正奇絕清宴憶春坊
再集五賢堂次至日登山韻奉荅嵩野

路向高峯入筵隨落日開客憐今雨到人擬古風月

遠暝含殘雪新陽動蟄雷愛君清徹骨不爲看山來

題來青軒次韻

禪定無來往塵緣有送迎每於冠蓋入先動塔鈴鳴
天近多仙氣山深少世情極知公爲國未問水雲程
次韻何仲默別鄭山人兼柬李獻吉

歲晚同爲客衝寒對別尊獨憐辭 帝闕不羨曳王
門行計惟詩卷相思有夢魂南還逢李白悵望幾黃
昏

人日過徐子容

積雪霽人日苦寒欺客襟相看一杯酒不負百年心

劉向俱中秘相如獨上林共君回首地十載賦春陰
三日雪中入內署

瑞雪三陽候祥雲萬里同鳳池畱伴待鶴馭入群空
林花猶怯凍宮柳未禁風老覺才情減梁園賦獨工
與盛希道太史談玄二首

愧乏山林骨欣逢大隱人時參言外意已識相中身
斜月前谿水微風別浦津青山誰可住春入柳條新

二

我有江南屋花叢掛月痕湘簾風不捲寶鼎火初溫
仰面晨窺牖低頭夕掩門千言難易辯無語向君論

謝類菴惠山菜數色

戢戢雲能把盈盈露帶溥琅玕難比色苜蓿正虛盤
百事俱堪做千金欲報難偏慚名未識細檢國風看

自忻州還度石嶺關

北望沙塲磧南來石嶺關遙山看圍合新水送潺湲
短髮蒼茫裏高情紫翠間曉陰渾未散暫此寄悠閒
予入晉以四月二日宿權店三日過南關抵盤
陀八月東巡還亦以二日抵權店是晚遂宿
南關三日午餉盤陀豈有定數耶

一飯盤陀驛青山是再來登臨殊不盡節物苦相催

樹色庭除古秋衣篋笥開天涯俱作客去住莫驚猜

萬善驛小憇

西山初出險南日正隨陽客路逢殘歲人情懷故鄉
河流看渺渺雲樹入蒼蒼天地畱形勝中州古帝王

望日觀水

十里湖南路連空入望遲日華流寶氣風景接瑤池
岸谷人間事冰霜歲晚知楊雄工奏賦羽獵想當時

井陘道中遇雪

三白豐年兆連朝瑞更多巖岫皆入畫郢曲況聞歌
點綴乾坤好調停節候和青山如好客乘興遠相過

入平定州

雪擁頻回馬山寒少見人歲長不記曆風暖即知春
泉石謀生薄烟霞即事新此中有真隱能望豈能親

曉發包家集

殘月曉猶上清霜春正濃背山過疊疊前路去重重
野店客期集沙村人力農中原戎馬地開運憶飛龍

東鄉長至

去歲巡萍鄉

至日復至日萍鄉更東鄉長途雙客鬢浮世兩年光
水轉谿無路林寒夜有霜天時與人事消息看相將

露坐

露坐消江夜開簾納水風十年常作客百計若爲工
星斗三天上鄉園大海東南飛烏鵲侶未必美冥鴻
自山南過宣妙寺復會周約菴小燕

深慰停舟待還承高燕開雨中多寶樹風外妙高臺
老愛塵凝榻心驚夢破槐空門多意味欲去重徘徊

送顧願齋進表

有美文章伯樓船出漢嘉萬年天子壽一統帝

王家灘靜黃牛峽江回白鷺沙太官供賜酒湛露

映流霞

習池

襄樊戎馬地山簡愛高閭勝事傳千古江流抱一灣
碧山羅戶牖翠篠漾潺湲東望增鄉思宸遊正北
還

登祭江亭

春深羊傅廟江湧鹿門山一上孤亭望遙空獨鶴還
浪沙明浴日苔砌暈成斑耆舊登臨地高風乍可攀
車廐驛乘潮順風北下

人生快心事風水送歸舟况復青山曲頻過碧樹洲
草深藏乳鴨波遠沒輕鷗苦愛觀風地終慙爲國謀

上虞道中

山海無藏秀乾坤有奧區土風兼百粵習氣近三吳
潮落曹娥渡天垂賀監湖畫船牽錦纜時復下菰蒲
入主玉山西下換小舟乘月

平生愛山水清興此宵偏兩岸爭開畫中流獨進船
星河相隱映波月共嬋娟又向灘聲裏珠明練倒懸

次韻送李都閩

相望極天涯茲行况近家弦驚雲外鴈弓卧壁間蛇
南國收蠻霧重湖靜浪花宏開仁壽域那敢獻餐霞
常州道中遇雨

片雨江南路舟行幅畫圖樹頭勻著翠荷葉亂跳珠

秦望烟光晚晉陵雲氣孤所嗟舟子意霑灑與泥塗

荆門驛逢張常甫庶子

忽報荆門驛俄傳學士舟喜來狂欲舞起坐病俱瘳
客筇衣重改人家麥已秋風波自淹速意緒且綢繆

五言排律一首

夾馬營大風

不知遊子意正切故鄉情飄颻自南北颯飄亂嘈呶
撼樹動地軸飛沙迷日晶急流江故逆去棹布頻橫
前途勞問訊舟子重論評觸日白雲舞漫空紅雨傾
蕪啣泥不度鵲託杪偏驚高閣心疑動危峯勢若撐

人間因苦樂天道任虛盈
 宋祖龍飛地 高皇虎脫
 嬰百年兩陳迹 雙眼獨分明
 更發斜陽裏 浮萍是此生

陸文裕公續集卷三

陸文裕公續集卷四

七言律詩 五十二首

春分日大風

九十日春分一半四千里
 路長風沙寒衣欲變難為
 客曉夢無憑數到家關塞
 每憐新過鴈山城深護未
 開花向陽賸有閒庭院滿
 意東來吹帳紗

大風

昨夜雨沙今大風美人高閣怨
 飛蓬柳條萬結渾欲斷
 梨花一株容易空豈是宋都過
 退鷁亦愁鄉信阻
 歸鴻江南茅屋吾所愛
 莫教吹捲瀼西東

早朝

聖人勤政百工良
鐘鼓聲嚴夜未央
仗馬但聞嘶落
月朝鴉不見帶朝陽
班成鴛鷺當
堯陛影動雲霞
護 舜裳緩步歸來
綸閣靜尚添官燭
校文章

出北城與嚴唯中倪本端同行

天門積雨洗炎蒸
日射西山紫翠層
白髮先朝老供
奉青衫騎馬向
諸陵幸陪鴛侶時
相並欲挽龍髯
却未能流水稻田
城北路去來吾記
昔年曾

題函谷草堂爲許廷綸

表裏河山故國西
昔人曾費一丸泥
逃秦客去雞猶

唱擬杜詩成手自題
天際浮雲橫紫邏
夜窓燃火照
青藜卧龍未許終藏
雨指點南陽是隔谿

對月

庭樹扶疎月轉陰
烟銷畫燭候虫吟
隔簾秋色三千
里伴影離人一片心
門寂紅顏頻對鏡
帳寒清夢尚
揮金去年燕趙今吳楚
指點明年意更深

送黃子和主事赴揚州鈔關

潮弄船聲發建康
計程明日到維揚
官橋夜鎖初來
客輦道春搖故國
楊傍斗五雲常捧日
橫空一劍獨
飛霜政成不隔來年
路儒雅風流日繞腸

秦淮漁笛

桃花新水滿江流一棹波連白鷺洲
網趁夕陽魚在貫酒隨村店蟻初筍
高懷閒弄江梅曉古調遙翻嶰竹
秋幾度曲終潮正落有人指點說東遊

題陶雲湖墨花水仙

淡妝高韻北風寒傍水猶宜月下看
神女誤遺金約指良工新製水晶盤
綠羅帶引風初定碧玉璫含露未乾
細檢畫圖知苦意春光不愛染雲巒

子殤後一首

小巷深深日似年柴門寂寂掩風烟
一川花柳春無

賴三五嬋娟夜可憐狼籍頭顱多殢酒
飄搖魂夢但高眠少年事業真堪笑
囊有殘詩近百篇

苦寒歸心愈切次胡可泉韻

囊無楊震四知金手種桓温柳十尋
殘菊傲霜如戀客棲鴉帶日自投林
閒來曝背猶堪獻驚起衝寒苦未禁
夢繞故園春事裏烟波門巷落花深

晚泊

風濤滿日月黃昏晚泊澄湖獨樹村
漁艇隔溪常宿火茅茨臨水半開門
夢從五夜多逢赦古詩罪人
多夢赦人

過中年易感恩 聖主如天司節候
陽和須向歲寒

論中爭長淑風 聖主收天何道辨 野味 野向 涼寒

入 閏月廿七日雨雹圓如龍眼書異
亂颭明珠玉不如兒童驚喜走階除拾來顆顆圓相
並望裏星星濕有餘造物自應工變化陰陽誰為管
盈虛為農復恐傷農事細檢春秋起例書

丹陽孫思和東遊每當山水勝處輒繪為圖冬

夕過儼山示我光福一段賦此

看君畫裏汎扁舟今夕披圖數勝遊水面青峯七十
二山腰黃橘幾千頭帆開遠影江湖闊天接中流日
月浮試問虎溪橋外水為誰烟浪下蘇州

次韻白鴈二首

秋傳孤鴈過瀟湘人在高樓望故鄉顏色總疑新變
態羽毛錯認舊隨行關山雪後寒無影禾黍風前夜
有霜贏得光輝照塵世久從靈沼近文王
來從星漢下瀟湘糝點楓林入醉鄉錦字傳情通萬
里銀箏移柱送斜行溶溶月色憐孤影渺渺歸心滯
晚霜堪歎楊雄頭盡白惟將羽獵奏君王

度太行而西多土壠層復風物都澹泊自沁北

行谿山間始見梨花道傍雜卉紅紫斑斑時

四月二日也慨然有懷 京國舊游

七言律
陸羽續集卷四
四
一路尋春何處尋
山中春色夏初臨
依微楊柳風無力
惆悵梨花月有陰
陶穴尚存三代制
耦耕應抱古人心
舊游忽憶憐芳事
雲路西南隔上林

夜集夏桂洲宅送崔後渠

無限高懷付酒邊
燭花如爲吐紅蓮
雨餘殘暑消簾幕
月轉微風裊篆烟
東閣大開留別客
玳筵高啓列群仙
不知今夕爲何夕
疑在珠林玉樹前

和荅胡汝載

瓊林珠閣不勝寒
慚負時趨白玉闌
獨抱琴書耽寂寞
誰從花竹問平安
沈腰已瘦頻移帶
潘鬢新添欲

滿冠相對長安同
作客棧詩特地勸加餐

和張甬川臥月書懷

可憐三五月嬋娟
度榻穿幃攪客眠
只照長安情不極
共看千里意俱懸
金波欲動江湖迴
銀漢斜流殿閣邊
萬戶千門深夜裏
清輝應爲搗衣偏

謁曹九峯先生墓

清才巨筆更逍遙
白玉樓成赴紫霄
池上夢驚生碧草
碑前人到奠芳椒
陰森氣候還松蓋
搖落年華但柳條
多少漢朝金紫貴
將軍只數霍驃姚

自天姥望天台

何處天台有石橋行人指點碧雲霄劉郎欲度何由
得隱士難迴枉見招齋磬出林春漏永征旗繞澗暖
烟銷仙凡咫尺空惆悵馬首東來客路遙

慈化早起喜晴遂發

兩宿僧房病後身高情聊與白雲親青山似畫間門
少紅日如輪世路新吳楚地連多客戶瀟湘天遠有
騷人南中歲晚饒風雨愛聽鐘聲報四鄰

雪後入禁中供事

瑤翻層雪護黃金天上清寒分外深山遶帝京開
玉障氣凝宮柳長瓊林鳳凰池畔風先合鳩鵲樓頭

月有陰雲物不須書異瑞祇占三白慰民心

郊壇演樂

金湧隄沙接鳳城西山晴雪照人明闕扉出郭依黃
道臺殿凌空鎖太清陽氣正疑南至日禮官頻展奉
常牲聖人制作親遭際身到鈞天聽九成

禁中齋夜

寂寂齋心夜氣濃玉河西下鳳樓東忽驚凡骨畱天
上賴有仙僚共雪中蓮漏暗通風力勁瑣窓斜映月
痕空大烹本爲牛羊薦鼎鼐調和愧未工

臘日嚴寒新製狐裘服之

六十一回經歲寒狐裘初試向長安南人不識千金
價北地尤珍一腋看白盜已非前轍遠紫貂雖好策
勲難衰慵尚戀君恩重辨得朝趨候夜闌

丁丑除夕

門掩虛堂畫燭輝隔宵先自理朝衣冰霜遠道臨青
鬢星斗中天護紫微豈有涓埃報知己且將身世付
忘機物情自與流年換今昨無勞論是非

別李時元下第

吳山蒼蒼共燈火潞河悠悠即去途乍可後期還磊
落莫因遠適悲江湖晴風浪搖四月麥宿雨帆輕十

幅蒲南國詩成須早寄風塵清夢客樓孤

和易欽之遊廣恩寺

春日忻逢水西寺入門無數香烟凝鄉園千里遠作
客塵土十年終愧僧風光每向閒邊見山色試憑高
處登未問西來栢子樹可憐清沼玉壺冰

視牲

向晚郊壇第幾巡願儲精意奉明禋去來路熟渾忘
遠西北山多欲礙春終見牛羊歌帝右未因鼯鼠變
齋晨東風又遍天街草御輦須憐碧玉茵

右廂齋居

槐影參差月滿空
橋門雲館鎖重重
齋心自覺春宵永
瘦骨偏承夜氣濃
北斗旌旗驚閃爍
南郊圭璧奠從容
相如最有凌雲筆
恨殺文章草漢封

送陸良弼調楚雄

長沙才調賈生同
古郡滇南楚更雄
萬里驛程山共水
五更心事雨兼風
極知駿骨臺堪築
未爲齊門瑟轉工
交契十年情不盡
長安幾度別離中

分題燈下細書壽副憲盧師召乃翁

青藜火底坐揮毫
猶有蠅頭滿薛濤
似與黃庭傳妙訣
還將白練寫風騷
懷人詩就石湖曉
寄子書成劔

閣高見說方瞳今已碧
更從天際送鴻毛

清明日半軒前丁香盛開偶題

小院迴廊曲曲深
爲誰頻結雨中心
東風吹到第幾信
節序俄驚百五臨
簇簇紫茸如可嘆
蕭蕭華髮豈勝簪
故園買去開還早
相伴溪梅水竹林

歸途再同林介立經行蓮塘

楊柳芙蓉一徑長
未秋先已動新涼
塵心到此消應盡
暇日來多儘不妨
空翠拂衣山有氣
柔芳過雨水俱香
千尋萬雉金湯地
信有人開吏隱堂

送林以吉提學

泥封芝檢下青冥 帝輔 皇畿重典刑秋滿大江
雙畫楫風隨驄馬幾長亭滿蹊桃李含時雨到處篇
章發地靈更向斗南占氣象雲開五色見文星

食菱

一曲菱歌江上秋畫船歸近望江樓北來物色渾如
玉南望鄉關第幾州風味疑從仙掌墮水芳曾傍錦
雲浮歲寒獨枉佳人惠消得相如一片愁

食酥疊前韻

瓊花凝露拂高秋玳瑁筵前十二樓軟滑不須論北
塞溫柔元自出南州夜寒錦帳笙歌細春暖金尊琥

珀浮慚愧清寒玉堂客得聞風味破新愁

謝顧未齋惠蓮實疊前韻

長卿病肺幾經秋藥餌頻須正倚樓忽枉新篇題玉
井渾如高誼借荊州細傾圓實珠璣亂尚帶清香玉
露浮見說功多心獨苦采蓮歌罷使人愁

疊韻荅柴德美黃門

藻思芙蓉露下秋遠過王粲賦登樓時焚左掖三千
疏曾定山東一百州獨客琴書殘臘盡中天臺殿瑞
烟浮夕陽無限憑高興與汝同懷北顧愁

和俞國昌食鱸再疊秋字

鱸魚誰送海門秋
遠客思歸正倚樓
張翰因風辭洛下
東坡乘月向黃州
鱸成飛雪銀絲細
目斷烟波釣艇浮
賸有詩筒報知己
且憑斗酒慰羈愁

戊戌元旦早朝

曉日曛曛映彩霞
先春欲綻上林花
侯藩接履朝元日
聖主垂衣御正衙
楓陛天高嚴虎豹
繡旗寒襲偃龍蛇
九重禮樂登三代
四海車書正一家

早朝

宮井疎鐘曙色催
五雲百和繞蓬萊
優游萬國顏動森
列千官雉扇開
寶鼎赤墀籠曉日
玉音丹

陸隱春雷城鴉高
拂扶桑景白玉橋
頭侍從回

初試羊氈予有一
端藏笥中者十年
茲教內館

始製為衣以禦北
風感而有作

蕭颯頭顱感是非
半生何敢愛輕肥
相將歲晚看新製
指點年華亦故衣
北郭嚴凝隨瘦馬
西州辛苦到殘機
病來却恐渾憔悴
且試休文舊帶圍

和宮端後渠玉亭賞蓮之作

玉亭清切五雲邊
盆沼誰移玉井蓮
來賞正逢初過雨
倚看須著半含烟
何妨絕代稱君子
准擬前身是水仙
四十年來同榜客
一尊相屬醉花前

十一言律
陸文裕公續集卷四
十一
疊韻答嚴介谿賞蓮

紅衣翠蓋玉闌邊一曲新涼聞采蓮芳潤似擎金掌
露遠清疑惹御爐烟主人元是瀛洲客勝賞真成
陸地仙別後難忘定何處一樓風雨五更前

恭謁顯陵二首

矐矐曙色映祥雲臺殿巖巒錦繡紋春氣正濃連王
氣人文逾朗應乾文水知宗海千川合脉是真龍五
嶽分願獻周原瓜瓞頌萬年長擁聖明君

龍蟠鳳翥有餘奇聖教皇情無盡時華表欲棲千

載鶴靈風常滿萬年枝橋山弓劍瞻雲闕寢殿衣冠

展月儀地接三都中都祖陵北都南都元咫尺天開一

統正雍熙

中秋月下懷高進之

浦淑虛堂欲暮秋故人青眼夜深留微風明滅漁舟
火四壁淒清戍角樓身世渾疑非幻境心期千載有
神遊庭前忽報中秋月踏碎花陰未肯休

送方矯亭赴南祠部

詞人南國古來多又渡秋江渺渺波兩地客懷俱復
爾十年心契柰愁何鳥啼畫省常封印簾捲鍾山且
對歌後夜黃金臺上路鴈書頻望下星河

陸文裕公續集卷四
昨弘治辛酉南畿秋試獲識吳江錢廷輔廷佐
兄弟若聯珠駢璧文采映射心竊賞之既別
去無從晤言時時往來於懷今嘉靖丁亥夏
廷佐以扁舟訪予江村始知廷輔方應郡貢
去而廷佐先領正德己卯鄉薦矣轉盼三
朝垂三十載而予亦老矣爲之感歎次韻奉荅
秋風一曲伯牙琴曾和鳴臯鶴在陰別後相思多夢
寐重逢今日是山林大鵬萬里須搏海駿馬高臺爲
築金見說松陵富酌倡直從皮陸到如今
今吳江卽古之松陵

陸文裕公續集卷四

陸文裕公續集卷五

七言律詩

五十三首

遊儲芋西園池乘月夜汎

峯巒巖壑俯中流何處三山與十洲
新雨不妨泥滑滑好風先送水悠悠
鷗無機事迎人下客有高懷盡
日畱向晚星河迷上下笙歌燈火木蘭舟

縣衙隨班

幄殿高懸絳節朝龍紋浮動瑞烟飄
地當東海開黃道仗倚中天切紫霄
花縣千城臨禹貢華封萬口祝
唐堯年時正憶臚傳裏玉筍金鋪具百僚

歲暮風雨中發藏書示楫子

歲寒風雨合江樓燈火樓頭數夕留新命誤蒙吾
已老舊書多在子須收星辰萬里趨關塞環珮三朝
侍冕旒抱得寸心終許國未應猿鶴怨林丘

三日雨後登儼然亭

蕭蕭竹樹夾溪深一雨初晴長綠陰真意倘違空老
大野芳雖少亦山林好風似舊穿高榻流水如知繞
素琴東去大江知到海爲誰烟浪送歸心

寄黃希武提學

憶昔長安夾道居玉堂黃閣晚來初槐陰滿院或共

賦藜火隔窓時校書歲月悠悠成浪迹烟波渺渺正
愁予聞君咫尺騎驄馬病臥扁舟限所如

夏日樓居

小樓長日轉朱炎糴累殘書手自籤性癖真成文字
蠹官清擬辦水晶鹽白雲出岫來當戶綠樹搖風送
入簾却喜到門塵事少始知吏隱信能兼

火花次楊東濱韻

巧憑銖兩結根芽暗裏機關頃刻花風火陣中疑帶
雨樓臺影裏半爲霞催開始信由人力搖落寧須待
歲華丈菊瓶梨俱爛熳好開懷處是還家

南溪

四面谿山如畫裏扁舟南下更悠哉薰風五月常先到梅花一枝偏早開茅作小齋俱背水月臨午夜獨登臺朝宗萬派俱通海遙向鄱陽一脉來

九日山居客至以大風不遂登高因次李空同

集韻

澤國風濤鬱未開長緣病骨懶登臺無期遠客還能至有幾重陽得再來黃菊自應籬下看清霜如爲鏡中催當年空負凌雲氣獨把茱萸首重回

春日齋居對雪

盡日風雲掃不開雪花如剪下高臺幾家菜麥春猶淺何處漁樵晚正來去路欲迷南過鴈餘寒尚阻北枝梅病來辭賦渾忘却慚愧梁園授簡才

病中簷外石榴花盛開

病臥高樓傷客心隔簾花發晝陰陰朱房宿露輝朝日碧葉穿雲映遠岑大宛移栽今滿地茂陵回首欲霑襟一枝爲插如年少愁鬢天涯不上簪

雨中宴莊氏東園畱題山亭

洞中山石俯波光窓外林花薦野芳況有管絃相映發儘教風雨佐清狂虛疑四老烟霞地正是三江雲

水鄉我欲卜鄰酬望想自應圍社寄篇章

二日過唐橋莊

畫船如鷁水雲遙間過南溪五里橋行人渡口出復
沒急鳥沙頭鳴更搖相携看菊畱茅舍獨往尋源隨
海潮無限高情付江路林梢落日見漁樵

秋懷

斜風細雨滿蕉窓蘆葉蘋花繞大江潮上水痕魚六
六秋隨天遠鴈雙雙破除俗累還高卧韜卷談鋒願
豎降物色若教供指點青山合比鹿門龐

甲申元旦待漏入縣齋隨班

樓閣參差一水西攬衣猶自候朝雞葭灰已應三陽
轉帝座遙瞻北斗低步入花封和雪動聲傳嵩祝
倚雲齊太平有象君王聖天保詩篇手自題

春晴登樓

新晴樓館拂雲開萬瓦含風接上台短晷漸隨陽漏
長長江元傍海門來雲山疊疊春千里世事悠悠日
幾回倚遍闌干思無限黃金誰築最高臺

鳳岡書屋爲寧波朱允升賦

鳳凰岡下結幽居能讀先人萬卷書手種碧梧深雨
露誰題凡鳥到門問楚狂空有歌相和阿閣曾傳事

已虛見說上林工奏賦白頭未必老相如

鳳凰六日始晴

春日常陰到入日今年人日隔宵晴雍熙有象回天

地鼓吹無能答聖明江上舊便高枕臥花間新辦

小車行東風又動吳波綠流過閒居獨有情

湖上青山得共分映空搖漾綠生文下蟠或有蛟龍

窟高踞疑空虎豹群雨後愛看封碧蘚月明如見吐

游雲九華雪浪畱題品願附蒼蠅次第聞

送何鴈峯郡伯入覲

六龍天上中興年五馬雲間早著鞭臺閣九霄圖書

裏衣冠萬國冕旒前淮南臥治須台鼎宣室論才

促御筵試向王正占緯候風雲日月滿堯天

登南廣福鐘樓

百尺闌干圍暮鐘江流曲曲臥真龍望窮南畝棲禾

黍天放西風吹菊松落日樓臺俱渺渺浮雲舟楫自

重重凌空爲盡悲秋興一上高樓興轉濃

晦日出城送葬曹啓東憲副

入雲城堞俯危闌石磴沙隄路幾盤滿目山光無近

遠一番人事有悲歡聊生政可三杯酒進步何須百

言律

言律

言律

尺竿細柳幽花倍惆悵東風漠漠釀春寒

秋日無聊偶然作

問余何事每悽然尺璧光陰閱歲年舊讀書今存蠹
穴新縫貂已剩鶉懸常餘孤枕還鄉夢頻乞東家買
藥錢自信英雄須到骨業身隨處了塵緣

贈別尤宗陽還吳門

臨岐莫恠恨暗暗投贈天涯紙半函澤國鄉音三泖
北江湖夜雨一燈南浮蹤去住僧畱偈世味寒溫佛
飽參歸去若逢人問訊文章可謂學春蠶
六世懷都下友人

梅蒸懸榻晝慵開徒倚堦除破碧苔短夢空隨蝴蝶
化尺書頻問鯉魚來迷人芳草偏畱雨極目浮雲忽
送雷千里相思多少恨驅除無計且啣杯

喬白巖太宰家山畱題在邇亭

晉陽文物上卿家小作江山殿歲華望到白巖明玉
雪相去十餘里由來綠野鎖烟霞雲窓覆奕傳仙譜石室

藏書帶相麻同是登臨還在邇遠尋何用訪丹砂

廿四日曉發平樂白巖追送山行數十里中途

微雨有贈

山中秋色半陰晴上相肩輿許並行別有歲年悲短

髮

與白巖別廿三年矣謂予如昨但髣髴髮有白者

老無文墨愧諸生細談舊

事兼新事遙聽松聲共水聲珍重桑榆最名勝龍光

咫尺是神京

書院池亭忽有玄鶴下集因養于庭

橫空一鶴下危闌隱隱丹砂變羽翰疑是歸鴻須繫

帛莫將野鳥誤稱鸞青田到後雲天遠北海從來歲

月寬

白鶴千年復化玄

飲啄漸馴宜試舞客衣偏感化長安

東阿道中對雪

天為山行借雪看路隨天遠更漫漫詩成驢背偏如

意病後狐裘少耐寒授簡有才懷帝子折梅無使寄

長安惟餘一片郊原與白馬翩翩兔窟乾

和陳中川秋蕤東關寺

太原城畔東關寺合讓元龍獨倚樓回首風烟成隔

歲當時遊賞正高秋黃花破帽寒猶戀紫塞浮雲晚

更稠今夜燈前聞古調三巴最苦若為酬

發平潭

流年如水客程遙又是王正第二朝關塞極天三晉

國風烟入望五雲霄名山有副藏遷史擊壤無功頌

帝堯千里不妨隨驥裹一枝終自負鷓鴣

送胡汝載丞武昌

詩律從來徹骨清
哦松端不負茲行
星辰南斗占郎位
江漢西來抱縣城
鸚鵡洲邊芳草合
鳳凰臺上遠山晴
春明門外衝寒別
欲折梅花重有情

蕭海鈞文明先生挽詩

朝野名傳翰墨餘
白頭空有讀殘書
南荒秋早逢搖落
四海人多問起居
塞下當年曾失馬
釣絲終歲竟忘魚
八哀此日還成賦
慚愧先生識面疎

連日遲李獻吉不至有作

幾日都門長者車
風塵不見正愁予
只今對面還千里
何處相思有尺書
秋色天涯催客暮
山光樓外爲

誰舒空歌杖
杜回長嘯終愧緇
衣歎索居

西堂分韻得新字

帝里風光屬小春
橋門高燕集嘉賓
城臨北斗看山近
人愛斜陽送酒頻
憶昔園南同作客
相逢回首各傷神
情深渾欲忘歸去
怕見樓頭月色新

安鴻漸贈詩兼惠紅酒狐裘途中和荅

恭承帝遣出詞林
珍重高懷抵萬金
醇酒已從心醉後
綈袍何止故情深
秦關日月時分照
遼海風雲忽送陰
一路畫圖隨馬首
據鞍聊得繼高吟

寄曹孛若

憐予獨住神仙府憶爾清齋御史臺月近上元如有
喜賦成郊祀愧無才香飄御輦和雲度寒勒宮花
待日開已覺歡聲連萬國更瞻佳氣滿三台

送何文徵赴開州

江東文藻竟誰如新綰銅章左佩魚天上風雲元咫尺
兵前草木正蕭疎烟樓夜遶三刀夢露冕春行五
馬車便欲修成循吏傳即看名滿薦賢書

番陽察院課種竹

偶來種竹當公事此去成林知好看春雨龍孫過墻
起月明鳳羽滿谿寒恍疑臺殿臨淇水旋着闌干護

石壇欲報所思頻悵望自將顏色比琅玕

宿常山集真觀

病懷自愛尋山憇面面芙蓉映遠峯向晚樓臺棲宿
霧報晴鐘鼓動秋風千重地脉閩關北八月星槎浙
水東懷國望鄉俱不極一龕燈火翠微中

途中見縣僚迎春

綵幡銀勝颭微風塵影人聲蹴踏中殘歲雪消江柳
外一年春到海雲東文明有象占天運草野無才贊
化工須信烟波通雨露輕陰催煖護真龍

遊武夷

清遊妙得此山中一度來過一不同泉石烟霞時上
下陰陽昏曉自西東溪流九曲層層去雲鎖千峯面
面通向晚天風墮仙樂月明知是武夷宮

秋曉汎九曲

縹緲烟霞曙色分蓬壺玄圃只徒聞丹崖倒射潭心
影錦浪初生水底紋合有仙靈藏蛻骨寧無富貴等
浮雲擢歌九曲應誰和獨倚秋風弔二君

遊歸宗巖

異境靈源閔復開直從一水接三台閩山形槩何如
此朋輩登臨有幾回片石隕空風出洞孤松架壑晝

聞雷白雲已滿層臺下雲裏更尋高處臺

次韻荅萬石梁大參

得陪騶從出城遊况愛烟嵐向晚收楊子何心能頌
莽仲宣無計且依劉林間鳥並鶻聲急雲裏江分蕪
尾流酒量近來因病減令人苦憶醉鄉侯

長至班罷

歲晚滄江客未還履長冠冕尚隨班五更漏水浮銀
箭千里藩封傍雪山舊典歲修知國體孤臣身遠
憶天顏新陽一脉須調護環珮歸來學閉關
出北郊候客因入金繩寺獨坐

初過城陰駟馬橋綠溪水竹正蕭蕭得閑豈恨流年
晚愛客渾忘去路遙風捲旆旌驅陸海天寒樓閣霽
烟霄南中景物長妍麗囊底無勞歎皂貂

病後閉關

萬里橋邊萬里身西風撼撼鬢毛新天應憐我長爲
客事到求名始累人滿院蒼苔行省宅一川黃葉大
江濱少陵老去多秋興且傍雲山結四鄰

次韻醉衛漁川

蒹葭真倚玉爲林虛負知音愧此心世路百年風浪
迴天涯雙鬢雪霜深依依別思俱通夢藹藹春雲欲

化霖拋却簿書山水裏停驂時得和齊吟

遊烏尤寺

插天一柱障東南高下僧房共佛龕巫峽地靈勞鎖
鑰我眉天險隔烟嵐常驚虎豹蹲蒼莽疑有蛟龍起
碧潭爲問魚蟲箋爾雅景純曾此事幽探

闔門登城晚眺

雉堞雲平臨北斗橋門流水接西湖綢繆巷落紫鐙
火輪轉東南鎖舳艫西子館前多半夏越王臺下有
靡蕪晚烟生暈溪風靜欄檻千家入畫圖

京師寄姚玉厓

十度書來九不酬
遙傳賓館是蘇州
文章合動群公賞
山水真當萬戶侯
未見故知能薦馬
但聞東道暫依劉
相思又上金臺路
滿地西風吹暮愁

寄汪思雲

白玉堂深午漏遲
黃山高處倍相思
人於鶴背腰纏貫
心似蛛絲手論棋
聽雨樓頭眠較穩
望雲天際立多時
十年萬里常爲別
獨對金臺一賦詩

壽汪思雲六十

黃山六六歲華新
綺席宏開送八珍
手揮千金作義事
眼見四朝臨聖人
尋盟愛結煙霞侶
耽奕偏宜

竹樹鄰天上
長生先註錄
共君華髮守松筠

壽汪思雲室余孺人七十

越山高處入青雲
仙里華堂啓壽尊
日映萱庭花晚翠
風含椿樹露朝新
筵開綠醕重茵席
簾鎖斑衣五色文
從此耄齡垂慶節
會看花誥玉樓春

陸文裕公續集卷五

Blank columns for text.

Blank columns for text.



